

WAKITÀ UWANA POL ATSETSÈR À AZLA FILIPIYA Lettre de Paul aux Philippiens

Ayyi

¹ Gi Pol anu la Timotawus uwana anu azlaməna sləray aña Yesu Kristu, à uwana mətsetser à akul wakità uwanay.

Mətsetseray kà akul azlaməna madiṅal gəl à Zəzagəla à vok la Filipiya, akul gesina uwana akul la ahəl aña Yesu Kristu. Mətsetser babay à azlamasiga, ṅgaha à azlauwana tadàh sləray la tataka aṅkul la abà, à akul məna madiṅal gəl à vok babay.

² Zəzagəla Baba la Sufəl gami Yesu Kristu tapisakulla gay à vok la mav à akul lapiya.

‘Kikay’, Pol agod à Zəzagəla kà aṅatà

³ Kəla uwana gədzugw à akul, ‘Kikay’, gəgodàh à Zəzagəla kà akul.

⁴ Kəla uwana gədəv kuda à Zəzagəla kà aṅkul kà, gəvalàh à zagəla.

⁵ ‘Kikay’, gəgod à Zəzagəla, kà uwana mədaham gay à vok anina dagay la madzəka à mok uwana kapakàw azlaməna manəfay tsərəh à lakana.

⁶ Ndzer, gəsəl kà Zəzagəla, uwana adzəkà madàh sləray delga la ləv aṅkul la tsəh, adakədəl gəl à ahəṅ, adahənəṅ ala la mavakay, uwana Yesu Kristu adàwul à waṅ.

⁷ Delga à uwana gədzugway kiya uwanay lakəl aṅkul, kà uwana gəwoya akul la ləv tekula, kà uwana anina kà, Zəzagəla adfahəṅ delga kà akul aṅa mazlak gi la kaslā uwana gəga la daṅay, à mok uwana gəpəh gay marabəṅ la huma aṅa masla seriya, gəgəf à dziriga à afik.

⁸ Zəzagəla asəl kà gəpəh fida aw, gəwoya akul kayak, Yesu Kristu la gəl aṅha, uwana la gi la abà, la uwana awoya akul.

⁹ Gədəv kuḍa à Zəzagəla kà akul aṅa mawoy vok kà akul à akul kayak, ṅgaha kà kadəsəlaw dziriga, kà akul aṅa masəl azlatatak delga gə la azlatatak mawisiga.

¹⁰ Kasàwàni azlatatak delga gə kiya uwaga, ṅgaha kadəgaw sətaka, ṅgaha dza aṅa masləh à akul ala vok la mavakay uwana Kristu adàwul à waṅ aw.

¹¹ Kadəfahahaw azlatatak delga gə la ndzəfa aṅa Yesu Kristu pəra. Azladza uwana tadəṅəṅ uwaga kà, tadəzləb Zəzagəla tadəsləkaway babay.

Tatak uwana aduwaṅ gesina kà: Say Yesu Kristu

¹² Azladedə gulo, asa à gi kà kasəlaw, kà azlatatak uwana tabəz à gi, adala gay marabəṅ à huma à gay haday, uwaga kà akəsaṅ à ahəṅ aw.

¹³ Kà uwaga à uwana azlaslodzi uwana tanaṅla gəy aṅa sufəl aṅa azla Rom, la azladza anik gesina tasəl kà: Gi la daṅay kà Yesu Kristu.

¹⁴ ṅgaha aya adzərəfəh azlaməna madiṅal gəl à vok ala aṅuvaw la tetəvi aṅa Sufəl gami

Yesu la tsøh, kurit yewdi agodf à atà aw, taslala vok aña mapøh gay Zøzagøla la dazuwaya.

¹⁵ Azladza anik añatà tapøhay lakøl aña Yesu Kristu kà, kà uwana mañor aza à atà kà gi, asa à atà mas à gi ñgørpa. Ama kà aña azladza anik kà, taza gay Zøzagøla la løv tekula.

¹⁶ Tadfehøn kiya uwanay kà, kà uwana tawoya gi, kà uwana tasøl kà Zøzagøla la uwana asløl gi à wañ à abanay, kà maz gay marabøn à azladza la dziriga.

¹⁷ Ama azladza anik uwaga kà, tapøh gay aña Yesu Kristu kà, kà uwana asa à atà magay mønğa kà gi, tapøhay kà la matsøp gay à gay, tayàh maz à gi à ñgørpa à abà la danay.

¹⁸ Kà madfehøn kiya uwanay kà, aza à gi aw. Amiyaka tadapøhay la løv delga, bamøraka la løv mawisiga, taziñ kà gay aña Yesu Kristu: Nğaha gørabay kà uwaga. Bà la dziri gøda à huma à gay la marabay kà uwaga.

¹⁹ Kà uwana gəsøl kà azlatatak uwaga gesina adapaka à vok, Zøzagøla adatøf gi la uwaga, kà uwana kadøvaw kufda kà gi, ñgaha aya Masasødok aña Yesu azlak gi babay.

²⁰ Tatak uwana gøfa madzugway gulo à afik, à gøkuday kà, kà makølla gi ziruwi à gøl tetuwa aw, ama kà gi aña madzøøf ala la abà, ñgaha asa à gi kà lagonay, banaw la kaslà gesina, banay gi la sifa, bamøraka gødamøtsay, azladza aña masløkaw Yesu Kristu kà gi.

²¹ Kà añulo kà, bamøraka gødàgay la sifa, Yesu Kristu aduwan, ñgaha mamøtsay kà masik gulo.

²² Banay gødza à ahøn la sifa kà, gødàdfah sløray

uwana adàzlaka azladza. Lagwa kà, gəsəl tetəvi uwana gəkəsani aw.

²³ Azlatatak səla uwaga tagazlla gi à gəl. Gi kà, gəwoyaŋ kaykay kà say mamətsay, kà gi aŋa mad manəŋ Yesu Kristu uwaga la uwana aduwa vok kà madz à ahəŋ la sifa.

²⁴ Ama baŋa gədza à ahəŋ la sifa, uwaga akəsa vok kà akul.

²⁵ Gəgədaŋ à afik kà kiya uwanay gəgod à gi, gəsəl babay kà gədàdza à ahəŋ la sifa, ŋgaha mədàdza à ahəŋ anina. Ŋgaha madz à ahəŋ la tetəvi aŋa Zəzagəla la tsəh aŋa mad à huma à gay, ŋgaha kà akul aŋa marabay.

²⁶ Kità kà, baŋa gədəsa à uda la daŋay, la mok uwana mədəgay anina aya kà, kadàzləbaw Yesu Kristu mənəga kà gi.

²⁷ Aganay à tatak uwana akəsa à vok, nəfaw tetəvi bokuba uwana gay marabəŋ aŋa Kristu apəh. Baməraka gədàda à awtəy à slaka aŋkul, baməraka gədàda à awtəy aw, gətsenəŋ kà kadzaw à ahəŋ la paŋaw tekula, ŋgaha kà kadahaw sləray la ləv tekula, kà gay marabəŋ aŋa mad à huma à gay.

²⁸ Guba akəs akul kà azlaməna məzam aŋkul aw. Baŋa guba aza à akul aya aw kà, atà tadəsəlay kà tadəzila, ama akul kà, Zəzagəla adaəəl akul, masla la uwana adapəhatàla uwaga.

²⁹ Zəzagəla avà à akul tetəvi kà madiŋ gəl à Yesu Kristu à vok, ŋgaha kà mas ŋgərpa kà Yesu.

³⁰ Kanəŋaw guvəl uwana gəpəh. Lagonay aya katsənawwaŋ kà gəpay aya, ŋgaha akul babay kadadaw à abə aŋa mapay.

2

Nəfaw madz à ahəŋ aŋa Yesu

¹ Tsa kahamaw gay à vok la Yesu, kà akul la ndzəɖa, tsa awoya akul kà, akul la ndzəɖa. Tsa kahamaw gay à vok la Masasəɖok Zəzagəla la abà kà, wòyàw vok kà akul à akul, ŋgaha vok ahamà akul kà akul à akul babay.

² Tsa baŋa kiya uwanay kà, wòyàw vok kà akul à akul, gàw la madzugway tekula, hamàw gay à vok, ŋgaha gàw la paŋaw tekula, baŋa kaɖa-hawwan kiya uwaga, gəɖaɖeɖ gay ləv.

³ Kadzugwaw kà à gəl aŋkul pəra aw, kaɖahaw zlapay aw, wùlàwla gəl à vəɖah, nənəwwan aɖladza anik kà bokuba taɖuwa akul.

⁴ Kəla uwabeyuwi aɖaha delga à aɖladza anik, awkà kanəɖəzaw gəl aŋkul pəra aw.

⁵ Dzàw à ahəŋ bokuba uwana Yesu Kristu adzà à ahəŋ.

⁶ Haɖay kà, masla kà tekula la Zəzagəla, ama maŋor akəs, kà masla aŋa magagazləla gəl aŋha la Zəzagəla aw.

⁷ Asàk à uwaga gesina, apakà mayà la tatak gesina la abà, apakà dza. Uwana adapaka dza kà,

⁸ awùlla gəl à vəɖah, akəs maɖəhay aŋa Zəzagəla, akəs mamətsay zlazlaɖaga, amətsay à ahà à adi.

⁹ Gay gà la uwaga, Zəzagəla afà à slaka mazləbay gà à abà, avàl sləm uwana aɖuwa azla-sləm anik gesina.

¹⁰ Kà azlatatak uwana la zagəla, la azlauwana la vəɖah, la azlauwana la tsəh iyaw gesina,

la mok uwana tadàtsən sləm aŋa Yesu, gesina aŋatà tadàsa à waŋ, tadàkədədal à ahəŋ.

- 11 Nŋaha gesina aŋatà tadàpəhay la dazuwaya, kà Yesu Kristu kà Sufəl lakəl aŋa tatak gesina. Kiya uwaga tadàzłəb Zəzagəla Baba.✧

Ufàw bokuba azlatsetsiliŋ la gudəŋ la vok

12 Azlaməna gay ləv gulo, kəsàw gay Zəzagəla. Uwarà, mok uwana məgà la slaka gà, kakəsaw gay aŋha. Lagwa kəsàw gay aŋha dafuwa à gay, uwana gi la slaka aŋkul. Uwaga asal magoday, kà Zəzagəla adahəl akul, dafhàw sləray la masəkulay, la dziriga.

13 Kà uwana Zəzagəla adadzəka madfàh sləray la akul la abà, kà akul aŋa mawoy azlatatak uwana akəs à masla à gəl, ŋgaha kà akul aŋa madfàh atà.

14 Kəla sləray gesina uwana kadahawwaŋ kà, kaŋoŋuzaw, kagazlaw aw.

15 Kà akul aŋa magay sətaka, lela, ŋgaha akul aŋa magay azlabəza aŋa Zəzagəla kokudfa tatak mawisiga la akul la abà. Akul la tataka aŋa azlaməna fida la abà, la azlamawisiga, gəw la tataka aŋatà bokuba azlaufaka uwana tauday.✧

16 Baŋa kadahawwaŋ kiya uwaga kà, akul kapəhaw atà gay uwana av sifa. Nŋaha la mavakay uwana Yesu Kristu adàsa à ahəŋ kà, gədfədəf gay ləv la huma aŋha kà akul, kà uwana apəhla sləray dzaŋdzanŋa uwana ala, gədfahəŋ kà apaka deyday aw.

¹⁷ Løv uwana kavàw à Yesu, kà kalkal bokuba makøf tatak uwana kakødaw à Zəzagəla: Zlahaw tadəkøf gi, ngaha aniz gulo adàhama à makøf tatak delga ankul uwaga à abà. Baņa apaka kiya uwaga kà, gədàgay la marabay, mədàdfeð gay løv la slaka gə.

¹⁸ Gəw la marabay ngaha mərəb anina babay.

Timotawus atà la Epafərodit

¹⁹ Baņa ‘Ayyà’, Sufəl Yesu agod kà, gədàsləl Timotawus à awtày à slaka ankul, ngaha masla adàdzərəðgəla bokuba uwana adzərəðakulla bay.

²⁰ Dza la ahən la slaka gulo, uwana adzugway bokuba anulo aw, say masla pəra. Masla kà, adzugway kà akul pəra.

²¹ Azladza anik kà, tadzugway kà à gəl anjatà pəra, awkà tadzugw lakəl anja azlatatak anja Yesu Kristu aw.

²² Timotawus kà masla kà, kasəlaw maday anha kà delga. Anu, anu səla kà mədah sləray la slaka gə kà anja gay marabən, masla azlaka gi à azlasləray à abà, bokuba uwana bəzi azlaka Baba anha à sləray à abà.

²³ Gəfa kəla gəl à ahən, kà seriya gulo adədəv à gay, kà gədàsləlla à awtày à slaka ankul katskats.

²⁴ Gi babay kà, baņa asa à Zəzagəla kà, gədàda à awtày à slaka ankul zewk.

²⁵ Deda gulo Epafərodit, masləlay ankul, uwana kaslələw à gi à wan, kà mazlak gi la azlatatak uwana gənəkudə anha, mədah sləray la slaka gə, məpa guvəl la tsəh ala, gədzugw

lagonay kà delga, kà gi aña mawul à akul à awtày aya.

²⁶ Kà uwana atùw akul à tsəh kà manəŋ akul. Gəl adakaɗal à vok, kà uwana asəl kà, katsənàwwàŋ kà agà la dɔvats.

²⁷ Haɗay kà, dɔvats akəɗ kufa kufa, awkà naka amətsay. Vok ahamà à Zəzagəla kà aŋha, ama kà masla pəra aw, ama kà gi babay, à uwana awuràŋ ala kà gi aña mazaw la gəl aw.

²⁸ Kà uwaga à uwana asa à gi kaykay kà gəwulla à slaka aŋkul, kà akul aña manəŋ masla la marabay, ŋgaha ləv gulo aña mataslla.

²⁹ Baŋa adàda à awtày kà, kəsàw masla la ahəl səla, kà uwana masla kà, deda aŋkul la tetəvi aña Sufəl gami la tsəh. Sləkàwàw tsəhay dza uwaga.

³⁰ Kà uwana aləg kà ŋuv ŋuv, awkà naka amətsay à sləray aña Kristu à abà. Atùw sifa aŋha aw kà, kà masla aña mahən uwana ala atəm à ahəŋ la slaka aŋkul la abà kà aŋulo.

3

Tetəvi uwana adala dza à dziriga aña Zəzagəla à abà

¹ Azladedə gulo, aganay tatak uwana gəkəɗla gəl à gay gulo, vələhàw à zagəla, kà uwana akul azlaaŋa Sufəl Yesu. Gəy vok aw, gay uwana gəpəh à akul uwarə gəwullal à tsəh aya, ŋgaha uwaga adàzlaka à akul kà tatak maɗahakullan mawisiga à vok aw.

² Dahàw hanəkəli la azlakəda, kà uwana azladza uwaga tadehəŋ kà sləray mawisiga,

takad gəl à azladza à vok. Tadzugway kà lakəl aña makadav azladza à uda pəra.

³ Anu la uwana, anu azlaməna makadav vok à uda dziriga, awkà atà aw. Kità kà, anu la uwana anu tsəhay aña Zəzagəla. Anu la uwana mədəv kuda à Zəzagəla la ndzəda aña Masasədok tsikasla, ŋgaha məzləb Yesu Kristu, məfà madzugway gami à madz à ahəŋ aña azladza à abà aw.

⁴ Agayña azlatatak aña gudəŋ à vok uwanay akəs vok kà, naka gəslala vok aña maf madzugway gulo à uwaga à afik bay. Baña dza aslala vok aña mađàh, uwana azladza gudəŋ à vok tafehəŋ, gi kà, gəsəl kà, dziriga gulo aduwan aña.

⁵ Gi kà, kà uwana gəgədaŋ à afik kà, gi zil Ibəranəŋkowen slilihga, uwana azla Ibəranəŋkowen tayyà gi. Ŋgaha aya kà, gi zil Isərayel, gəsà à uda la tsəhay aña Benyamin. Mok uwana tayyi gi, la lig mahənay mtəgis, takədəv gi à uda, mayahudiya à Yahudiya. Gi tekula aña azla Farisəya.

⁶ Gənəfà mapəhay gami lela, tsərəh à uwana gətərəbàhà azlaməna madiŋal gəl à Yesu à vok, ama mapəhay aña azla Yahudiya kà, gəpəsəw amiyaka tekula aw, ndzer, gəgà matsizlla à ahəŋ gà la uwaga la abà la lela.

⁷ Gənərèz kà azlatatak uwaga kà apakà kà bokuba mazəb sili təla gulo, ama lagonay kà, kà Yesu Kristu gədasəlay kà, uwaga apakay bokuba azlatatak deyday.

⁸ Ndzer gəpakà azlatatak uwaga ala gesina kà deyday, kà uwana gədasəl Sufəl gulo Yesu Kristu

uwana aduwan azlatatak anik gesina. Kà masla la uwana gèdakweska uwaga gesina. Gèdapaka azlatatak uwaga ala, bokuba azlaalàh, kà gi aña mabèz Yesu Kristu,

⁹ ngaha kà gi aña magay aña aña tetuwa. Gi dziriga la huma Zèzagèla, kà uwana 'Gèkès mapèhay aña azla Yahudiya', gègodf aya aw. Tatak uwana agà à gi dziriga la huma aña kà, kà uwana gèdìnj gèl à Yesu Kristu à vok. Zèzagèla la uwana apakagèla dziriga, kà uwana gèdìnj gèl à masla à vok.

¹⁰ Uwaga asa à gi kà tatak tekula pèra, uwaga kà masèl Kristu, ngaha ndzèda aña uwana awùlla à uda la mamètsay, kà asa à gi babay kà, gèsa ngèrpa bokuba uwana asàh, ngaha gèkès gèl à ahènj bokuba aña uwana akèsà gèl à ahènj, akèsà mamètsay.

¹¹ Banja asa à Zèzagèla kà, awulla gi à uda la mamètsay bokuba aña bay.

Mahoyay à gay kabaw

¹² Gègodf magay kà: 'Gèdabèza azlatatak uwana gèkuday', gègodf aw ngaha: 'Gi masla tsakana aya aw', gègodf aw, ama kà aña uwaga kà: 'Gèda à huma à gay kà azlatatak uwaga aña magay azlaanulo. Kà uwana Yesu Kristu adazèba gi à ahàl aña.'

¹³ Azladedà, gègodf kà: 'Azlagulo gèdabèzal adagay', gègodf aw. Tatak tekula uwana gèdahènj kà, tatak uwana la lèv gulo gesina avika gi, gèwadf vok à uda, kà mabèz tatak uwana akud gi la huma.

14 Gëda à huma, kà mabëz à gay kabaw, kà gi aña mabëz masik, uwana Zëzagëla azalla anu aña mabëzal. Masik uwaga madz à ahëj la zagëla la masla, kà Yesu Kristu.

15 Anu uwana mëdapakàh makoz la tetëvi aña Zëzagëla la tsëh kà, delga mëdzugway kiya uwanay. Baña mëdzugway anik la lëv anjukul la tsëh, kà Zëzagëla adàpëhakulla la dazuwaya.

16 Tatak mëjga kà, mëda à huma à gay la tetëvi uwana la tsëh anu la ama, tsëràh à lakana.

17 Azladeda gulo, nërèzàw maday gulo, nërèzàw kà azladza uwana taday lela, bokuba uwana kanëjaw maday gami.

18 Azladza anjувaw la ahëj, à uwana maday anatà apëhla ala kà, kà atà azlamëna mëzam aña Kristu, uwana amëts à ahàf à adi. Gëdapëh à akul uwanay kà asik dëj, lagwa kà gëpëh à akul aya, gëpëh à akul kà la iyaw tugwi la adi.

19 Baña kaslà anatà adàdëv à gay kà, tadàda à akàl à abà, kà uwana tanëfà tatak ziruwi gà, ama tarabay lakël aña uwaga, tadzugway kà azlatatak aña gudëj à vok uwanay përa.

20 Ama anu kà, anu azlamëna gay aña Zëzagëla, mëkud Sufël gami Yesu Kristu, masla mabël anu, uwana atsa à ahëj la zagëla.

21 Baña adàsa à ahëj kà, adàbëdfla vok gami gubgubga uwanay, kà vok gami aña mabëz ndzëdà bokuba anha. Adàdëh uwanay kà la ndzëdà aña masëlay, uwana abëk tatak gesina à tsëh à asik anha.

Sawaray makəf gəl à ahəŋ

¹ Azladedə gay ləv gulo, baŋa kiya uwanay kà, dzàw à ahəŋ la titi la abà, tsa akul azlaaŋa Sufəl. Azladedə gəwoya akul kà kaykay, asa à gi mədà-nəŋəŋ akul aya. Gədef gay ləv kà akul, akul la uwana kapəhawla kà sləray gulo ala kà delga, à uwana gəts zlapay.

² Evodiya atà la Səntis, kamkam gəgodf à akul tsa akul azlaaŋa Sufəl Yesu kà, tsənàw vok gay lela.

³ Kak deda gulo uwana mədahàw sləray la slaka gà, kamkam, zlakà azlamis uwana anina, kà mədàh sləray məŋga la məs ŋgərpa kà gay marabəŋ aŋa mad à huma à gay. Anina la azla Kəlement ŋgaha la azlaməna sləray anik, mədàh sləray la slaka gà. Zəzagəla atsetseràh sləm anata à wakità aŋa sifa adəv à gay aw à abà.

⁴ Tsa akul azlaaŋa Sufəl Yesu kà: Vələhàw à zagəla la kaslà gesina! Gəgodf à akul aya: Vələhàw à zagəla!

⁵ Pəhàwla dzəba aŋha səla aw aŋkul ala la huma, kà azladza aŋa masəlay kà Sufəl kà nekwa atsa à ahəŋ!

⁶ Kadzugwaw à azlatatak deyday aw, ama lakəl aŋa tatak uwana aga la ahəŋ aw kà, pəhàwla à Zəzagəla à uwana asa à akul la madəv kuɖa kà mazlak akul, 'Kikay', gòɖàwwal bay.

⁷ Baŋa kadahawwaŋ kiya uwaga, Zəzagəla adàvə à akul lapiya. Lapiya uwaga kà, aduwa azlatatak uwana azladza tatsənà. Adənəŋla ləv aŋkul la madzugway aŋkul, ŋgaha kà tatak aŋa

mabəz akul aw, kà uwana akul azlaaŋa Yesu Kristu.

⁸ Azladede, tatak uwana gəkəɗla à gəl kà aganay: Dzùgwàw kà lakəl aŋa azlatatak uwana delga kà azladza masləkaway. Uwaga kà azlatatak dziriga à uwana məkas atà, azlatatak uwana dziriga la tetəvi aŋha, sətaka, la azlatatak uwana akəs à azladza à gəl məsləkaw kà atà pəra.

⁹ Azlatatak uwana gətəpakulla, ŋgaha kakəsàw atà, uwana katsənàwwàŋ la paŋaw gulo, ŋgaha uwana kanəŋàwwàŋ kà gəɗehəŋ, ɗahàwwàŋ kiya uwaga! Ŋgaha Zəzagəla uwana avàh à anu lapiya adàdza à ahəŋ la akul.

‘Kikay’, Pol agod à azla Filipiya kà tatak uwana tazlakà

¹⁰ ‘Kikay’, gəgod à Sufəl Yesu la marabay mənğa, kà uwana kadzùgwàw à gi gotənaŋ. Ndzer dagay uwarà kà, kadzùgwàw à gi, ama kabèzàw à tetəvi kà mazlak gi aw, la kaslà uwana ada à lig.

¹¹ Uwana gəpəh uwaga kà, kà uwana azlatatak anik taləg kà gi à waŋ aw, ama kà uwana gədatapla madz à ahəŋ la marabay la abà, baməraka adagay bà la kaslà uwala beyli.

¹² Gəsəl uwana gəɗza à ahəŋ, à baŋa tatak adadəv à gay, gəsəl madz à ahəŋ babay, à baŋa tatak gulo la ahəŋ. Gədatapla madz à ahəŋ la kudfa la abà, gəɗagay la tatak may, amiyaka gəɗagay la may aw, baməraka tasləka gi aw, amiyaka adàsləka gi.

13 Gəslala vok aŋa madehəŋ à azlatatak uwanay gesina, la ndzəda aŋa Yesu Kristu, uwana adzərədgəla.

14 Ama kadahəwwəŋ kà delga, kà uwana kazlakàw gi, la matərəbay gulo la abà.

15 Akul azla Filipiya, kasəlaw la kaslà uwana gədzəkà mazakulla gay marabəŋ la kutso aŋkul la abà, la Makeduniya, ŋgaha gəwùl aŋulo la slaka aŋkul, kà akul la uwana kazlakàw gi pəra. Akul mahəm à ahəŋ məna madiŋal gəl à vok, à uwana məbàdla kà vok tatak uwana mənàhkudə aŋha pəra.

16 Mok uwana gi la Tesaloniki kà, kaslələw gi azlatatak uwana à waŋ gənàhkudə aŋha kà asik dəŋ.

17 Uwaga asal magodəy kà, asa à gi məbəz tatak aŋkul pəra aw. Gi la marabay kayak kà, kà uwana gəsəl kà Zəzagəla adapisakulla gay à vok kà azlatatak uwana kavəhəw.

18 Gəbəzə tatak gesina uwana kaslələw gi à waŋ dādūwa à gay uwana gənàkudə aŋha. Mok uwana gədabəzal tatak uwaga Epafərodit asegəla à waŋ kà, tatak gesina uwana gənəkudə la ahəŋ. Ŋgaha bay kà, azlatatak aŋkul kà bokuba tatak uwana takədf à Zəzagəla slaslərta, azinal lela, akəsəl à gəl.*

19 Zəzagəla uwana gəsləkaway kà, akor ləmana aŋuvaw. Adàvə à akul kəla tatak uwana kanəwkudə aŋha, adàvə à akul la magola la ahəl aŋa Yesu Kristu.

20 Mazləbay agay la Zəzagəla Baba gami, tsəràh à awtəy! Amen.

* 4:18 4.18 2Musa 29.18

Ayyi makəɗ gəl à ahəŋ

²¹ 'Ayyi', gòɗàw à maham à ahəŋ mənə gay Zəzagəla, uwana azlaaŋa Yesu Kristu. Azladza uwana la abanay anina taɗahakulla 'Ayyi' babay.

²² Azlaməna maɗiŋal gəl à vok gesina 'Ayyi', tagoɗ à akul, azlauwana taɗahakullaŋ 'Ayyi' kaykay kà, azlaməna huɗ gày mənə sufəl aŋa azla Rom.

²³ Sufəl gami Yesu Kristu apisakulla gay à vok.

**Wakità Zəzagəla Wakitə Aŋa Makəs Vok
Slawda Mawga (Cameroun)
Matal: Wakitə Zəzagəla Wakitə Aŋa Makəs Vok
Slawda Mawga (Cameroun) (New Testament)**

copyright © 2019 Wycliffe Bible Translators, Inc.

Language: (Matal)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 28 Dec 2024 from source
files dated 29 Jan 2022

03efbf2f-98ca-5534-8610-0be3a8c4b974